

L. 20201

LE SOLDAT
desarmé.

1614.

THE NEWBERRY
LIBRARY

Cool

F

39

.326

1614 A5

Aduertissement au Lecteur.

AMY Lecteur, ne t'estonne si au commencement de ce petit narré l'Autheur inuoque Dieu & le Diable. C'est le naturel du Soldat desarmé, qui est autant amy de l'un que de l'autre, se reputant mal-heureux ; s'il n'a tousiours ces trois mots en la bouche : ainsi que Datus Capitaine Persien, qui s'estima toute sa vie heureux apres auoir appris trois mots Grecs ; & pour ce que Dieu luy a donné vn esprit immortel, qu'il ne se soucie apres ceste vie d'estre biëheureux, s'il ne vit entre les hommes par ses escrits ; voyla pourquoy il a mis au iour le present narré, dans lequel tu verras, comme dans vn chausse-pied, l'extrauagante passion d'un Soldat, qui ne respirant que la guerre, soubz le drapeau du Colonel de la Milice de Paris, veut en moins de temps que Cesar surmonter les ennemis de la Gaule. *A Dieu.*

A ij

Le Soldat desarmé.

DI EV me damne ie me suis ruiné : Car en l'esperance que i'estois , que nous aurions bonne guerre , i'ay despensé quatre francs que i'auois , pour m'auoir tout ce qui m'estoit necessaire pour seruir mon Roy à la guerre , que (Diable) feray- ie ? ie n'ay pas vn sol , faut-il que ie fasse le demy crucifix. Mais quand ie pense à tout de bien pres , i'espere que la paix ne sera pas de longue durée. Et crois quant à moy , que Messieurs les Princes iouent au plus fin . Possible ont ils estudié en l'escole de Lyfander , qui disoit que ou la peau de Lyon ne peut iussire , il y faut coudre vn lopin de celle du Regnard , ie ne sçay pas ce qui en est , mais tout le monde le dict ainsi. Je ne scaurois pour moy m'imaginer , que tout ce qu'ils ont faiët , ils l'ayent faiët pour auoir le Chasteau d'Amboise. Car quelle grande fortune est-ce pour Monsieur le Prince que d'en estre Gouverneur , ie ne sçay quel conseil à peu mouuoir la Reyne à luy donner ceste place , qu'el besoin estoit-il d'assembler toutes sortes de

gens pour cela, puis qu'en France le til-
tre, *Quis ordo in possessionibus seruetur*,
n'a plus de lieu. Cela estoit bon du
temps d'Ulpian, qui disoit, que la pos-
session des biens se debuoit donner par
les loix & assemblées du Senat. C'est ce
me semble luy donner moyen de se def-
fendre, & de nous faire mal. Qui à iamais
ouy parler de telles pratiques, au lieu de
demeurer vainqueurs, faut-il que nous de-
meurions vaincus, faut-il que nous four-
nissions à nos ennemis des armes pour
nous battre, faut-il que nous qui n'auons
iamais respiré que l'honneur de servir au
Roy, nous nous despoüillions pour reuc-
stir ceux qui ne desirent autre chose que
le despoüiller, faut-il que ie me desarme
pour les armer. Dieu me damne si i'en fais
rien, ie m'en vois plustost me ranger soubz
le drapeau du Colonel de la milice de Pa-
ris, qui ne manque de courage, non plus
que moy, i'emprunteray plustost vn te-
ston pour acheter des Botines toutes
neufues à la Saueterie, à l'exemple de Ce-
sar, qui s'endebta bien d'un million d'or
pour deuenir Cesar. Si tant est que les lau-
riers des Scipions se soient rendus les plus

florissans, & les plus renommez de l'univers, par ce qu'ils les auoient arrousez du sang des Affricains, & des Citoyens de Numance: & arrachez des mains du vaillant Hannibal la grande terreur des Romains, que ne doibs-je pas attendre de bonheur pour les miens, lesquelz ne cederont en rien à ceux des Scipions, ains les passeront de beaucoup en merite. Je ne veux plus, que l'on parle des trophées de Cesar, de Pompée, d'Epaminondas, n'y des Scipions, car s'ilz estoient encore viuants, ie m'asseure qu'ilz viendroient à mon eschole. Personne au monde ne peut doubter de mon courage, encore moins de ma vallance. Je ne seray pas long temps en la guerre, que l'exemple de ma grande vertu, & generosité n'attire à moy si grand nombre de Soldats, qu'ils tarirôt les mers & riuieres par où ilz passeront, comme iadis fist l'armée de Xerxés, que si ie me fasche vne fois ie tueray moy seul tant de monde, qu'ilz n'en demeurera autre que moy pour apporter les nouuelles de la deffaiëte. Ne croyez pas que ce que ie dits soient rodomontades, car ie ne suis ny Gascon ny Espagnol, tout cecy procede

de la bonne affectiō que i'ay de seruir mon Roy. Quelqu'un me dira, possible, que ie suis trop violent pour vn commencement duquel l'on ne peut encores iuger l'issuē tout à fait. Oüy, mais ne scait-il pas que toutes choses les naissances sont foibles & tendres, & que pourtant il faut auoir les yeux ouuerts au commencement. Que c'est autre chose de regarder le mal en sa naissance pour l'estouffer, que le voir introduict avec le pouuoir de resister aux remedes violents qui le voudroient chasser. Car comme lors en la petitesse, on n'en descouure pas le danger, quand il est accreu, on n'en descouure plus le remede. I'ay autrefois leu dans le diuin Platon que les Rois ne doiuent rien donner que des pistolles, & que leurs villes & places ils se les doyuent bien conseruer. Pour moy, puis qu'il est diuin ie le crois, & me semble il que l'on le deburoit croire, & vous dits sur ma foy que i'aimerois mieux donner cent pistolles, si ie les auois, que donner seulement la place d'un de mes piedz, lors qu'il si treuve assez bien, encore que ce ne soit pas chose de grande importance, que l'on me croye si l'on veut, mais

ie ſçay bien que ſi nous ne fermons les
 portes de nos Villes à ceux , qui y veulent
 entrer , nous ne les chaffers pas lors qu'ils
 feront entréz quand nous voudrons.
 Avec bien peu d'effort arreſt-t'on le pre-
 mier branſle des eſmotions, mais il eſt diffi-
 cille par apres d'en arreſter la courſe, ſi de
 bonne-heure on n'y à ietté l'œil, & la main
 pour les ſupprimer.

FIN.